

潛蚪小章 卷二  
守土爲誰從者誰同剗心血滴淋漓功成若論何人  
最還憶溪邊一女兒

姑蘇臺上酒頻催醉後還教太宰陪獨有東門數日  
烟援枹枹鼓見人來

兕死還應走狗烹果然安樂費推評扁舟一葉臣行  
意到處烟波有月明

故國興亡事寢遙錢塘江水日滔滔彎弓更有英雄  
輩野濶天空正射潮

潛蚪小草卷之三

閩汀寧化鶴臯劉文賢以從氏訂

半輞山房招遊詩

春山今日暮燕子飛兮花事去雲樹兮深深結孤情  
兮山之陰春流兮滄滄木蘭舟兮沙棠楫將子兮能  
來與子遊嬉兮樽與壘

春夜讀海東集

座師少司馬周公嘗奉使琉球  
作海東賦並彙其途中詩文爲

海東集書後一首



花庭細雨春燈靜海風夜逼書籤冷鴻波瀕洞覺有  
聲大嶼小島參差明龍槎親見飄搖出手持絳節揮  
鯨鯨巨靈屨最掀姑米姑米山名也蹴踏海童走龍子舟  
中壯士不敢視大人如如自安起集中云舟行距姑米山未至風濤大作舟幾覆琉球土官乃以巨艘至屢請易舟余噉將  
以王命執不許少頃風定始得至姑米山噉將  
紅日照東方槌髻戔戔光奕奕節竹筍醬何足數大  
文煨煨羅萬有三都兩京飲其手書生心膽本自豪  
展讀欲駕當年潮

謁雷中丞墓有感五首之二

時運悲何適如公不可能道污猶自拔俗薄亦難繩  
龍劍終銛鏑春冰已絕稜高風方羽翼揮淚向岡陵  
嶽嶽三君外當年一鉅公角巾今寂寞高矩獨崇隆  
玉尺中仍正冰壺朗更空板援何處是回首憶春風  
池上見翡翠一隻

翠羽頽冠久不歸冷烟寒雨怯清微雙棲合在三珠  
樹却向林塘一隻飛



鄱湖詠古

積壤生梗枿積水生吞舟讀書破萬卷大業于以求  
有明方全盛八駿訖遨遊亂匪降自天宦寺職惛惛  
鄱湖千頃波白日忽陰幽長風蛟鱷攫勢若無金甌  
封臣已瀝血朝士空凝眸伊誰起儒服談笑麾戈矛  
雷霆振新建風雨馳南州料賊若發覆壁壘任優游  
一戰陳俘馘尺組羈羊牛軍旅豈素習講席方綢繆  
一朝慨投袂虎變軼山邱功成不自有時議聽悠悠

湖山千載後仰止泝中流

攜兒口述

輪蹄無復記征途一几一牀一病夫徙倚不離庭內  
外歌呼惟繫室方隅到門已分知交謝投筆兼忘著  
述俱喜有亭亭三歲子又從膝下學伊吾

泛平山堂五首

曲曲溪流淡淡風畫船如掌泛空濛春光行處花多  
少爭及楊州一朵紅



瑤宇瓊宮兩岸開流鶯飛去燕飛迴此間未是蓬萊境還到綠荷深處來

玉笛風生幾處船衣香扇影望翩翩城南一帶金珠市賤賣花枝亦十千

竹塢花臺醉不歸金錢狼戾手如揮酒家爭似茶家好也有巖香拂袖飛

日暮停橈轉自愁春江花月古悠悠何因却聽涼風曲終恐繁華不易留

秋晨起坐喜李愚廬前輩到舍

貧門屐齒寂西牕起常晏愁侵苦不寐披衾聊戒旦  
呼兒除庭戶兒驚悄相喚有客步龍鐘皓首來未慣  
嗔兒無敢褻客尊余所憚警欬遙可辨倒屣中堂畔  
不見八九年摳衣意何限分庭坐促膝禮分忘疎散  
談諧驟未及亟訊眠與飯甚喜松鶴姿愈老猶伴與  
里閑尚能遊書策仍堪玩憶昔全盛時總角余方壯  
趨隅時執燭父黨多英彥樽酒縱高談翁至尤灑瀚



大言滿堂室四座驚河漢急景催華年朱顏遞彫換  
遠風宕寒木仙遊悉成伴碩果翁獨存氣體曾無患  
今晨快披豁感愴再三歎舊事去如風交情久如貫  
何當更溫席少起復爲挽簷牙墮飢雀撰杖日將半  
淚垂

鷓鴣詞

落花滿眼春樹低雙飛鷓鴣枝上啼啼聲曉入紗牕  
裡夢斷行雲隔湘水鸞綃臥起無人知枕畔羅巾雙  
贈黎生錦昭讀書石林山房

騎馬出東門遙指雲深處四徑無人村山鐘自朝暮  
同人走相送問子何故去但笑久不荅揮鞭無少住  
回看塵市中杳杳隔烟霧

張孝廉孟詞過訪感懷一首

海內群公久不聞蕭條劍佩失繽紛桂花秋冷鰲峯  
月杏子春銷雁塔雲倒屣暫來驚有客傾心欲語愧  
無文丹青萬里飛翔路迴望他年已屬君



香花破小憩聽辦香鐘

振擊空山幾度鳴篆烟飛處正錚錚檀心欲蕪音初  
動蘭炷將移響未平十里閒雲秋鶴遠五更殘月曉  
猿清蒼茫古破誰相訪竹塢松林尙有聲

前題奉和朱松巖原韻

溪山剩奇迹考古發幽興含毫意綿邈緬想成佳詠  
彷彿清鐘聞凭几容傾聽砰訇似有聲展卷倏奮迅  
宛覩篆烟微尋聲遙相應十里松風長繞指生餘韻

高詞吐微妙金石標殊勝尤喜策杖行逍遙躡荒徑  
芳雪覲高姿寒梅知野性嗟余處昏室高卧無所訊  
誰振三日聾爲我力疏濬嘉惠得長吟怵然耳初震  
何當起曳屐去與佳人近把臂入深林心理妙相證  
夜坐四絕句致毛明府兼呈清流羅使君永安

彭使君

庭院風閒月正明幾家簾箔酒同傾誰知此日山城  
外到處踉蹌抱甕行



楊柳花飛杏子黃春田四月已無秧豈真有獄同齊  
婦擊鼓陳牲且未遑

人事回天洵有由民間猶憶去年秋官齋一夜桑林

禱竹澗松泉處處流

去年夏秋之交恒陽不雨一經虔禱甘霖乍沛歲則大熟

回首春郊又一更閉門翻愧束長生盍簪且喜雲龍

會一國三公定有情

時羅彭二公同館雲龍書院

奉荅羅使君見和仍次前韻四首

抱玉非良久不明感時還望一盃傾却慙霖雨蒼生

句

和詩中語

翻憶當年仗策行

結佩金門桂蕊黃書田會稼百城秧柴門一病風烟

老藥鼎茶鐺更不遑

雲龍高望豈無由曾記揮絃自去秋攜得甘霖經月

後雙溪餘韻至今流

公以去年來署吾寧經月而去

隔院伴來已二更鸞箋觸手片雲生挑燈爲愛新詞

好不覺詩情動酒情

感事二十八韻呈邑侯



惻惻復惻惻長官同變色斯獄未學斷呼吏還詢役  
窮村鬼夜叫俄頃無窻爰晨臥野土中暮委東城側  
闢墻六尺餘大厥當其北露釜列傾歆薪炭累千百  
巨斧砰有聲賤隸跪相白有骨尙未枯猶堪試剗刻  
絕脰以及踝裂胸碎其肋一一堪指數乾黰汁無滴  
銀刀湛徑寸參差水盆隔創削無許緩投以湯在鑊  
日烈風更疾墻燄旋復赫絮草何綢繆聊以辨青黑  
是時妻與子有淚不能拭還顧問彼兒笑言方啞啞

觀者行歛歔聽者心爲惕嘗聞天地心好生乃其德  
人各有元善保之咸自得飲食而宴樂老死歸其宅  
咄哉彼何人獨身爲殘賊一朝逞狡憤殺身及魂魄  
我願賢司牧明刑慎所釋無簡不可聽有旨幸無適  
猶當廣教化被以詩禮澤匪但以言教實惟身作則  
俾我蚩蚩民洗心無面革同賣渤海刀向武城遊息

庚戌三月晦日酒後有作

燈前對酒暫徘徊三月難禁此日來五十七年春又



過不知花更幾回開

獨坐

庭前日覺未移旋以夕孰挽之人生百年有如此少  
復因循倏老死吁嗟涕淚何能已

雪夜不寐

寒雞側耳不肯鳴山鐘遙夜聽無聲猶驅下榻凍復  
至鼠竊得絮濕仍行簷牙罅隙飛霰濺簾押支柱緒  
風撐此時積雪定幾許恨無斗酒到天明

對酒

能着幾兩辰昔人所嘗嘆而我默以思悠悠復何限  
聖賢爭一息庸愚倖一旦俯仰身世間有淚不能綻  
呼兒命杯勺春燈入夜半且復酌言嘗斯須聊自緩

月夜不寐

有月皆良夜無樽亦苦吟老來情不減卧後興偏深  
想像微雲外淒清一漢臨倚欄他日意幽憶到於今

丁巳生日咏梅



歲盡惟餘骨春回且作花十分冰雪後一任艷陽加  
庾嶺寒多瘦孤山老欲斜獨憐結子意未肯臥泥沙  
戊午立春日飲舍弟翼堂三百二十酒是歲翼  
堂年六十逸軒季父受廬仲兄曉春弟與余  
合得此數也漫賦八韻

老至同歌枕春回暫啓局掄年三百廿沽酒十千零  
猶喜鶯花綻從教歲月停六旬樽正綠五子髮誰青  
鵬路飛仍伏浮生夢未醒琴書空落落柴米太星星

盃底香風泛筵前麗日經羲輪容易轉但醉莫辭瓶  
選局徵詩將刻全閩風雅以小草應之代東二

律時李孝廉開局鄭孝廉爲選手也

後其  
事不  
果

襟山帶海八閩地玉札丹砂何處無但使波斯存老  
眼豈令潛室有遺珠新詩競愛題鸚鵡佳句偏傳詠  
鷓鴣聞道詞壇正開壁大張旂鼓揭高衢

古調新聲誰最好選家刮目且留神應知近代七才  
子定遇當時一解人攬髯獨慙蓬在首簪花還喜鏡



無塵殷勤欲共樽前語惆悵風烟隔遠津

寄懷伊雲林光祿二首

舊館琴樽地臨風憶往年秋生鼇嶺月春老

鳳門烟一別升沉隔高飛羽翩翩遙聞仙仗裡層

級已三遷

光祿宏開第

天恩湛更蒙起居容宴息

時先生假居私第

著述闢鴻濛有

子龍爲友承家鳳在桐一緘存老病何幸到山

中

和伊墨卿員外四首

和宿西苑直廬

彩毫高逐五雲飛佳句閒拈出省闈苑裡花香

秋入直天邊月色曉來歸臣心自擬含冰獻

國是何勞補牘譏聞道

上林猶有賦驛筒遙望莫相違

和湘江曲



蒼梧雲氣深湘水日夜流流不到蒼梧野靈妃  
空立湘江頭夜半抱瑤瑟月明風啾啾彈斷金  
絲淚相續萬古斑斑染湘竹嗚呼別離苦洵有  
如帝子從古思人皆似此孰謂求友聲不若伉  
儷情悠悠我思乃在東西南北海水枯盡南山  
平矧乃

君門隔萬里三十年來蓬牕裡援琴一曲情何已

和瑤琴吟

入山斷佳木出山買丹漆巧遇工垂手琢爲清廟物  
雁足峙一雙金徽湛朝日是有鸞鳳聲奏之鬼神懌  
妙理含希夷繁囂宵然釋美人捲珠簾攬袖端瑤席  
含情擬一試有淚還自拭茫茫古若今何處覓知音

和題木蘭從軍圖

花庭晏坐薄裝罷起步看花懶不下門外一聲曉角  
哀花下彎弓翻上馬陰山雪盡老鴈死一十八年胡  
沙裡欲換故衣襦幾回暗中起歸來何處哭爹娘漠



漠花庭嘯野鬼紅顏凋落剩此身此身畢竟屬何人  
空餘野史傳巾幗萬古披圖聞太息嗚呼緹縈書曹  
娥哭誰向花前展書讀爲君更作木蘭曲

酴醾花

短短松棚窄窄盆芳莖如縷葉如綉花開帷簿纖纖  
見色濺胭脂點點凝凝似金閨年小小學施紅粉意  
兢兢粧成半露珠簾下徙倚春風若不勝

含翠書屋漫興五首贈伍青采學弟

別館半山郭肩輿去不遙橋分城內外路遶市繁囂  
漸覺秧歌近旋聞牧笛飄小溪流水畔一逕出林腰  
啓戶僧童迂書簾夾後祠凌空飛一閣遶地匝三池  
掃榻棲經簾開軒下墨帷頽然還自笑猶擁舊皐比  
師弟而賓主翩然一畏生攜兒同布席閉戶且談經  
月下牕痕白池邊硯水清五更推枕後時鳥恰聞聲  
正值芳春候羣花綻野風柳迷鶯眼綠桃趁蝶衣紅  
社鼓催鄰姬蠶筐走市童幾回新雨後同指夕陽虹



何處消愁地琴書水一涯同人聊在野作客勝於家  
遣興時沽酒澆詩亦飲茶盤飧隨意好高枕晤烟霞

讀漢文本紀二首

夜半蒸羊忍不眠露臺從古剩風烟如何一座銅山  
賜天下公行鄧氏錢

宮漏迢遙夜若何大官前席意偏多可憐日暮長沙  
遠空有遺文弔汨羅

驛亭偶贈

北轍南轅此暫親驛亭花柳片時春臨岐且復斯須  
立他日相逢是故人

奉和鄭孝廉雲軒見贈原韻四律

雲軒時主講  
誠正書院

側身陋巷忘名久佳句何緣及野生字起星芒  
珠一串篇橫虹氣玉連城論文舊擬開樽待伏  
枕偏虛擁篲迎雲錦書函五花筆翩然瓊珮下

瑤京

亭臺花草一時新衆火欣傳赫有薪文術自能



祛風疾仙方不惜與凡人渾忘題鳳寬而教余

星高受業門下同授雕龍餉以神紅燭侵宵開卷後茶

鑰香合繞君身

原是看花

上苑姿萼樓宮錦作家私令兄蘇年庚子進士學兼文獻人

求志化起歌吟婢亦詩編紵及門交有道瓊瑤

贈我意相宜含毫欲報殊羞澁但覺騷壇幟汝

司

曾到天池餌六鰲竿絲一斷謝于遨馬頭春色

憑千障鏡裡秋風得二毛已分狎鷗惟泛水空

令食鹿屢塗餒聞君雅調翻惆悵爲愧當年佩

呂刀

吳南宮清夫北上

挾策南宮早承

恩北闕新

時君以孝廉方正召用

一鞭梅塢月兩袖杏園春

鳳起羣英會龍蟠要路津定知仙籍裡猶擬憶



沉淪

東伍南禺

隔巷聲聞轉寂然  
梧桐秋老剩寒烟  
經年舊擬招裘帖  
入夜空懷訪戴船  
江上芙蓉方爛熳  
庭前鸚鵡正俄延  
假令得共須臾席  
憑向鄰沽貰酒錢

同學伍子青采二十生日作此勗之

古禮今不復  
禮廢言則存  
二十冠而字  
三加彌以尊  
考古嘗致思  
此意豈徒云  
人生天地間  
鼎鼎百年身

何以能自立  
曰德功與言  
所以墮地時  
期望正殷殷  
桑蓬負以射  
俯仰天地寬  
掄年及二十  
皎若朝日暎  
總余轡扶桑  
光景燭無垠  
博學以無方  
孫友樂其羣  
視厥志所尚  
將責以成人  
冠而後服備  
禮則有明文  
伍子端厚士  
志在詩禮門  
惟考其家世  
余嘗爲之歎  
弱歲失其怙  
所恃惟母賢  
負負寡兄弟  
崎嶇門戶間  
獨以志不凡  
流俗難可攀  
倜然塵囂外  
獨鶴超林巒  
嗜慾能自克  
習染不能干  
揮金買書簾  
別業一水邊



延余共晨夕捧几常自前適館以授粲講肄無寒暄  
聰穎固可喜持身亦可觀事親既能孝交友信弗諼  
翹翹衆卉中有如池中蓮夙聞古人論士苦志不堅  
有志事竟成聖域與賢關良馬白日足何患不騰鶩  
洵有如吾子持之不少慳前途無限量至止亦何難  
北風打簾幙庾嶺梅娟娟正值大雪後花開照綺筵  
云是覽揆辰幼學已十年戔戔緇布冠賀客亦駢闐  
我老難自至惟愛古義傳贈子以自勵蹶起驂騑鞭

來日喜方長有志勿復捐遙指青雲路遲以慰心顏

伊光祿和前寄懷詩兼以薦牘仍次前韻二首

雲樹九千里星霜三十年一檝傳錦綺五字挾風烟  
老鳳思逾遠驚鴻句若翩沉吟忘日影花下已頻遷  
重以飢寒念魚書遠正蒙窮簷風習習枯硯雨濛濛  
欲拭床頭劍難收爨下桐眼前蒼狗態變幻一旬中

伊員外墨卿典試湖南北歸

帝簡遙咨楚有材恭銜



文命往欽哉三湘七澤人如錦玉尺金刀手自裁丹

桂庭前仙仗轉紫薇宴上駟車迴

楓宸入對歸來後更奉高堂酒一盃

含翠書館獨坐雷瑤圃自滇南宦歸見過奉酬

一首

別館聞聲手重持故人相見有餘思九千里外睽違  
後三十年前少壯時健翮不嫌飛最遠歸心猶喜到  
非遲酒懷詩骨今何似舊社淒涼更問誰

去年菊村江南歸云攜有酒今年酒榼還承招

飲詩以荅之

渴望經年此日纔倒衣過往更何催到筵佳客無多  
好把酒清樽不竭來花氣遠兼南國味露痕新湛北  
庭梧主人情比周郎厚一醉忘歸月上街

謝汪稼門中丞題淮京街二首

老病逢

恩涕欲橫百年槁落一書生春甦郢屋誰無感疏達



楓宸獨有情五月榴風催去馬三冬梅雨逐歸程  
鳳池尺水猶堪借顧影翻憐夕照明

感遇偏深自去年詩篇行畧兩莢莢

潛軒小草  
蒙賜序又

蒙密諭邑令保  
舉孝廉方正

並勞刮目招凡鳥

子星高蒙錄  
送鰲峯肄業

惟悵披雲隔遠天

皇綽加恩仍煥若山公啓事實殷然獨慚夾袋知名

日難比羣英正着鞭

遊淮陽鄉十一首

出郭

出郭歡然憶往年僕夫遙指

鳳門烟京華夢斷宗祊近又向春郊理舊鞭

經草蒼廟

細雨城南道風烟記昔遊小溪回步屨古廟狎松楸  
一別星霜換重來髣髴秋前途遙望處宗黨意綢繆

陳埠岡客館

客館臨欹岸情多愧主人攜壺辭市釀列饌數家珍



細雨侵晨後寒花隔座春  
酩酊然成小影僕馬正逡巡

道中

溪路逶迤趁曉行冷風斜雨閒新晴  
青山兩岸不相識往往灘頭聞水聲

飲席卽事

重訪鄉關溯故鄉竹林如舊酒杯新  
朝華已謝悲誰語碩果猶存剩有人  
陌上風烟憑轉眼筵前絲管又逢春  
且陪諸丈偕羣季醉後渾忘老本身

謁武侯廟

飄零漢胄星碁布憑仗先生呵護存  
一境桑麻躋享祀三分事業照乾坤  
秋風五丈嗟無命終古茅廬剩有村  
老病焚香慙拜起當年仰止意如奔

附聯

問三代以下士品何如微斯人吾誰與歸  
記杜陵老叟一詩伯仲之間見伊呂

當兩漢之季羣雄並起惟先生擇主而事  
讀南陽



渚宮小集 卷三  
躬耕數語唐虞以後有君臣

秀林別墅

泉石新成築山人去不留琴書含古韻花爲剩今愁  
愛客諸郎在維駒幾日休每逢樽酒後欹枕意悠悠

留別

父老情深子弟賢三春行李駐高筵每從杖底追前  
輩快指竿頭各少年簫管夜陳人意厚鶯花路遠客  
心懸臨岐爲作他時訂陋巷柴門有舊壘

留別後重承維挽詩以道謝

欲別仍留意轉勤更憑歌管遏行雲屢經投轄春逾  
暮重荷開樽日又曛燕子聲高花漠漠鶯兒語滑柳  
紛紛也知後會良難再惟愧登堂靳一片

重留別

酒味歌聲又幾回僕夫遙指驛雲開三峯兩水情何  
限長憶襜褕出後街

歸路



老樹晴鳩向客催雨中來路日中回  
野花夾道經旬落嶺霧隨風傍晚曉  
開旅地歌聲猶泛酒歸途物候已  
拈梅到門應喜羣相逐穉子牽衣上  
席陪

梧林書屋漫興四律

謝墅傳芳徑礮車此更來

梧林與含翠  
陌道相接

仍依流水岸

斜繞大橋隈花樹凌牆出琴書倚檻開  
新春凭几後

又早麥風催

結竹當年事臨風憶主人

館爲伊君耕墅別業君之  
長嗣爲有堂余同年友也

舊觴蘭譜在宿草墓烟陳

耕墅謝世有堂繼  
逝至是已十七年

子弟才

多俊晨昏意各親樂羣方有請答問愧諄諄

荏苒經旬月簞瓢寄一壺醪釀新落後菡萏未開前

白袷勝寒雨青燈惹暮烟呼兒時不再難挽逝如川

老我惟欹枕同人強作師豈應忘臃腫還爾鬪胭脂

藥石惟供病兼葭宛在坻隔隣輸酒債縱薄亦瓶支

梧林秋懷四律

老我猶懷宋玉悲秋風別館記棲遲晨炊孺子拋書



後

子星泰隨讀  
兼司爨浙

夜臥同人辟席時檻外菊花寒入戶

牕前桂月冷侵帷幾回呼酒徒羞澁愁對空囊首重

垂

架上琴書觸手寒新秋淫潦太摧殘

七月十七日大水

富人

哿矣猶無奈陋巷賢哉詎免歎幽月授衣多在典鄭

風適館已忘餐更聞耳語傳家報頻苦催逋欲謝難

桂宮花信又茫然遊子驚心櫂未還

子星高鄉試舟中遇賊

不

意萑苻猶有盜敢令文史竟無權買裝祇恐黃金盡

行道偏逢白露涓翻羨秋鴻棲較穩晚風斜日落翩

翩

風葉無聲撲曉簾寒燈夜起怯愁添聊憑講畫消長

晝時學跡跌得半恬求食每忘高士傳悲秋還篋旅

人占詩成不遇雞林賈惟溯知音與與兼

庚申七月十七日丁酉大水

比乾隆十六年辛未大水深二三尺

紀災成句呈邑侯并同事諸公

櫻棟剩餘生沸耳心爲觸環城四萬家有口不



能哭大戶躡岑階小戶奔鄰屋狙伏而蟻行遊  
魚舐其足大戶哭猶可小戶摧胷腹釜破舌徒  
存墻傾身何屬晝出敝袴亡夜臥匡床覆况復  
秋廩耗冬稼損新綠誠恐轉瞬間薪桂食如玉  
有淚誰能禁淚枯血簇簇我爲父老言輟哭試  
舉目不見洪波中腐屍積山麓九死得一生有  
喘聊復續寒家無長物漂蕩已酷最苦八厨  
書大半委泥淥昔歲在辛未余少髮始束驚心

僅一見高岸夷爲谷死傷累相望歎息不可復  
豈料五十年天意尤慘毒其時長令書插羽飛  
星宿大憲倒衣臨題賑沛膏沐天災賴人事補  
救貴神速從古萑苻間半爲災胥促所以古大  
臣持節無瞻矚方今

聖主恩保民廛衷曲所望賢有司仰體同鞠育用極  
馬壯吉急言起溝瀆舊典次第行由城及鄉族  
官廩慎調劑兼爲大戶勗念二三兄弟平糶以



設粥寒生頽垣下強起半匍伏歆枕攄飢腸猥  
以淺近瀆微軀何足道實爲斯民告回頭語我  
民佇候推

恩渥

春日雷中丞以詩代柬偕遊東山寺三首

疇曩東山屐春郊興有同閒情如謝傳佳句擬陶公  
五里鶯花路一椽水月宮遙聞鐘磬動繚繞綠楊風  
樹老山門古松杉一逕幽曇雲方晌午春服正來遊

竹石當牕見烟霞倚檻收錦囊探欲動詩思繞芳洲  
蔬笋賓筵饌揮毫酒更催達官無攘貴衲子亦叨陪  
隔岸樵歌返緣岡牧笛迴斜陽歸去好握手記重來  
陶然亭燕集呈諸同年

勝地羣英會春筵劍帶凭天邊風是馬海上翼如鵬  
有志非溫飽惟臣作股肱銜梧憑想像青史幾人登

前題道中口占六絕句

地高氣以寒春深花事晚陌上喚晴鳩過車更難緩



五里紅墻路一鞭于野去撲面楊柳風瞥見花開處  
燕子高處飛名園道相錯隔墻聞有聲宛落鞦韆索  
草軟花徑滑遊人皆繫馬隨地布氍毹喚沽酒旂下  
何處無花枝有花競相賞獨有故園心望雲方悵惘  
看花花有色問柳柳有汁不知柳下聲彈指向誰濕  
星泰入泮謝恩雨堂學使三首

一級丹梯喜乍捫欣聞孺子白公門龍旂舊挺  
嵩生彥

鳳詔新銜

帝簡恩海郡東巡飛綵檄汀山北轉駐文軒金砂玉  
札勤蒐遍岸草逢春細亦溫

希賢惟士汝何嫌諄訓分明韻與兼

公訓士邇  
言徧給多

士實有金針傳黼黻豈徒玉尺度廉纖子矜子

佩青同映時詠時歌興共恬文以行高期異日

公聞笑語一掀髯

擁篲徒憐訪道窮病來身世久朦朧懷人已分



輸同輩

自辛卯臥病杜門教授者今三十年

走馬何緣謁鉅公爲

喜鰕生蒙刮目爭令野老不銘衷謾詞一紙遙將獻聊比芙蓉摘綺叢

菊村飲席

一年幾度樽前笑最好無如今日栢未到開筵先送酒屢經避席更呼囂何勞阮籍窮猶哭且學劉伶死便埋歸向菊花庭畔約明朝來看老夫梅

題伊作謀東臯圖小照四首

十畝東臯地爲誰獨徙倚千古有同心  
翛然寄身事天降才不偶豈獨吾黨歎山林  
有隱逸往往傷扼腕  
少小讀羣書咄嗟已遲暮命與志不猶  
且向東臯去秋色渺無際  
伊人聊自寬醉鄉猶可訪  
勿惜路漫漫

題伊墨卿楓橋餞別畫卷

有序

圖爲明沈石田楓橋餞孔高州報最入覲之  
卷墨卿出守惠州董蔗林相國出以相贈嘉  
慶八年墨卿謫自惠州歸將北上起官以圖



示同人各有題詠遂爲墨卿送行卷也

古事於今畧不同一緘宛想畫圖中  
褒功特顯前人蹟謝罪惟憑

聖主聰塞上風砂迴去馬

天邊綸綍集歸鴻拚飛別有青雲路  
爲報楓橋酒更烘

和墨卿江行見梅花韻

江行發清唱感慨在梅花此花天所惜  
愛護常有加

霜雪厚蘊釀冰玉發  
杈枒臨水別有色爛熳一枝斜  
誰歟驅車者覽物獨興嗟  
和羹自有日用汝豈無家  
無爲怨靈均憔悴在天涯

奉懷伊雲林光祿二首

舊社何妨酒重傾  
曾遊

天上聞雲行

恩逢

帝簡陪千叟名在仙曹籍  
九卿老至宦成應有憶春



深花好豈無情歸來還訊東山墅他日嚶鳴尙  
幾聲

忘分論交記有年鰲峰花草

鳳門烟闕山一別升沉隔車笠重逢意致綿扶病  
難教鸚鵡報思君奚翅輓轡旋近來眠食知何  
似爲假鸞箋几杖前

伊光祿令孫少章質以文賦贈二律

謝墅烏衣少聞名鶴一飛英華他有耀冠帶遠來歸

振羽將凌漢梳鱗尙在磯論文初過我衿佩喜無違  
藝苑才何限如君迴出塵麒麟原有種虎豹自多文  
海上星槎濶峰頭鴈路紛登高憑一望爲獻老夫芹  
初至京師望

闕恭識一首

皇建其有極

宸居望儼然如辰當北斗正位統周天

宮闕五雲上帡幪四海全微臣來草莽瞻矚意懸



懸

燕臺雜詠二首

瘠土民嚮義厥道謂能勞古語信有徵難以靖時器  
不見長安市花明柳更嬌青樓夾相望鸚鵡隔廉招  
美人侵晨起攬鏡眉未描門外車聲催珠絡紅錦綵  
瓊筵酒格待既至魂一銷春風被歌扇酒進聲爲飄  
一歌再一曲盈手珍珠翹千金何足惜猶恐難一笑  
歌聲出戶外聞者心不聊往者嚴霜道瞥見枯田垌

村姑偃僂伏忍凍淚欲拋兩手挾草根傾筐不數條  
借問彼何爲最炊午未燒

綺羅香珠帶傭中何皎皎主人情太重傾囊何足道  
還視遊子裝鶉衣難自保

劇園

艷舞纖歌肆几筵

鳳城高處敞華椽應知四海民同樂不惜

天邊買酒錢



茶館

九曲仙芽玉椀光  
纖纖瓜子召陵香  
遊人儘可消清話  
何事笙歌沸耳旁

過涿州

山立水聲壯英雄  
舊有村桃園何處  
是盃酒至今存

詠史

朋友以義合道可止則止  
所以大聖人不答孔文子  
君臣則不然其辨在冠履  
大義若有乘何能但掩耳

飛鴻此何事命駕而遂已  
趙盾不討賊古稱爲良史  
雖曰匪正卿亦豈容膜視  
前賢本無過後學私有擬  
悠悠千古心獨憶淇泉水

枯魚過河泣

枯魚過河泣俯瞰舊窟宅  
昔洋洋今訣絕有餌甘且  
香悔之嗟何及爲語同羣  
我已枯爲汝輩悽切江水  
隨處闊莫向竿頭吸

采蘭曲